

ACTA

SECUNDÆ SYNODI DIOECESANÆ STI. GERMANI DE
RIMOUSKI

LITTERÆ PRO SYNODI CONVOCATIONE

JOANNES LANGEVIN,

Dei et Apostolicæ sedis gratia primus Episcopus Sancti Germani de Rimouski,

Dilectis in Christo Cooperatoribus nostris, curam animarum gerentibus, omnibusque ex nostræ diœcesis Clero Filiis,

SALUTEM ET BENEDICTIONEM IN DOMINO

Fere elapsum est secundum lustrum a sessione primæ diœcesanæ Synodi nostræ, Dilectissimi Cooperatores, et tempus pridem opportunum Nobis videtur ut denuo convocentur presbyteri, ut cum clero nostro expendamus quanto profuerint Statuta tunc promulgata et quænam præsentēs necessitates requirerent.

Hisce igitur nostris litteris, de consilio Venerabilium Capituli et Canonicorum cathedralis nostræ, nobis visa est secunda Synodus diœcesis nostræ convocanda, et in Seminario nostro die 26a augusti proximi sessura. Pridie habebitur actio præsynodalis.

In hoc cœtu peculiari modo agitabuntur exitus in exequendis usque nunc primæ Synodi Statutis, modificationesque vel elucidationes eisdem afferendæ;